



ქალაქ ფოთის მუნიციპალიტეტის საკრებულო

## განკარგულება № 4/4

2019 წლის 8 ოქტომბერი

ქალაქი ფოთი

ქალაქ ფოთის მუნიციპალიტეტის მერისათვის სესხის აღების თაობაზე  
თანხმობის მიცემის და გასატარებელი ღონისძიებების შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტს, მიმდინარე წლის დასაწყისში წარმოეშვა ფინანსური სიმძლეები. ბიუჯეტით დაგეგმილი დამატებითი ღირებულების გადასახადის ნაწილი ვერ უზრუნველყოფს მიმდინარე ხარჯების დაფინანსებას.

განვლილ საანგარიშგებო წელს შემოსულობები მიღებულ იქნა გათანაბრებითი ტრანსფერიდან და მოსაკრებლიდან ბუნებრივი რესურსებით სარგებლობისათვის. მიმდინარე წლის ბიუჯეტში კი პირველი კვარტალი დაგეგმილი არის დამატებითი ღირებულების გადასახადის გარკვეული პროპორციით.

იანვრის თვეში შემოსულობებმა შეადგინა 175.8 ათ. ლარი. სულ თებერვალ-მაისის თვეებში საპროგნოზო შემოსულობა მოსალოდნელია 1500.0 ათ. ლარი, ნაშთი შეადგენს 300.0 ათ. ლარს, ხოლო თებერვალ-მაისის თვეებში დასაფინანსებელი ვალდებულებები - 4 300.0 ათ. ლარს.

დამატებითი ღირებულების გადასახადის პროპორციული შემოსულობები შექმნის ფინანსურ სიმძლეებს თებერვალ-მაისის თვეებში აღებული ვალდებულებების დასაფინანსებლად.

საქართველოს ორგანული კანონის „ადგილობრივი თვითმმართველობის კოდექსი“ მე-100 მუხლის პირველი პუნქტის თანახმად, მუნიციპალიტეტი უფლებამოსილია საქართველოს მთავრობის ნებართვით აიღოს სესხი/სასესხო ვალდებულებები იურიდიული პირებისაგან. ამავე მუხლის მე-7 პუნქტის თანახმად, მუნიციპალიტეტის სახელით და მუნიციპალიტეტის საკრებულოს წინასწარი თანხმობით, სესხს იღებს და შესაბამის ხელშეკრულებას აფორმებს მუნიციპალიტეტის აღმასრულებელი ორგანო.

აღნიშნულიდან გამომდინარე:

### მუხლი 1.

მიეცეს თანხმობა ქალაქ ფოთის მუნიციპალიტეტის მერს (გოჩა კურდღელია) დააყენოს საკითხი საქართველოს მთავრობის წინაშე, საქართველოს სახელმწიფო ბიუჯეტიდან, ქალაქ ფოთის მუნიციპალიტეტისათვის მიმდინარე ვალდებულებების დასაფინანსებლად უპროცენტო სესხის მიღების თაობაზე 2 500.0 ათ. ლარის ოდენობით.

**მუხლი 2.**

მიეცეს თანხმობა ქალაქ ფოთის მუნიციპალიტეტის მერს (გოჩა კურდღელია), ქალაქ ფოთის მუნიციპალიტეტის სახელით ხელი მოაწეროს შესაბამის სასესხო ხელშეკრულებას 2 500.0 ათ. ლარის ოდენობით.

**მუხლი 3.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქი ფოთი, დავით აღმაშენებლის №3).

**მუხლი 4.**

განკარგულება ძალაშია ხელმოწერისთანავე.

ქალაქ ფოთის მუნიციპალიტეტის საკრებულოს  
თავმჯდომარის მოვალეობის შემსრულებელი,  
თავმჯდომარის მოადგილე



აკაკი დარჯანია